



**ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
№ 1 Б А С П А С Ө З Р Е Л И З І**

**Қазақстанда Исламдық Қаржылық Қызметтер жөніндегі кеңестің (IFSB)  
12-ші Саммитін өткізу туралы**

**2014 жылғы 5 қаңтар**

**Алматы қ.**

Алғаш рет ТМД-да 2015 жылғы 19-21 мамырда Алматыда 12-ші Саммит (IFSB) өтеді. Қазақстан Республикасының Ұлттық Банкі мен IFSB арасындағы аталған іс-шараны өткізу жөніндегі өзара түсіністік туралы меморандумға 2014 жылғы 31 желтоқсанда қол қойылды.

IFSB саммиті әлемде исламдық қаржыландыруды ағымдағы дамыту, исламдық қаржы мекемелерінің қызметін реттеу, қаржылық тұрақтылықты қамтамасыз ету саласындағы өңірлік және ғаламдық ынтымақтастық, осы саланың әлеуетін өсіру мәселелері, сондай-ақ перспективалары мен даму жоспарлары талқыланатын исламдық қаржы индустриясының негізгі ойыншыларының диалог жүргізетін алаңы болып табылады.

Исламдық қаржылық қызметтер жөніндегі кеңестің Саммиті алғаш рет 2004 жылы Уэльс Ханзадасы Чарльздің басқаруымен Ұлыбританияда өткізілген болатын. Кейінгі Саммиттер Катарда, Ливанда, БАӘ-де, Иорданияда, Сингапурда, Бахрейнде, Люксембургте, Түркияда, Малайзияда және Маврикияда өткізілді. Саммит жыл сайын мамыр айында орталық банктердің немесе іс-шараны қоса ұйымдастырушы елдердің реттеушілерінің қолдауымен өткізіледі.

Саммиттің жұмысына 35 елден аса 300 астам делегат қатысады, оның ішінде реттеуші және қадағалау органдарының, халықаралық қаржы институттарының жоғары мәртебелі адамдары, қаржы нарығына қатысушылар, ғылым және білім беру саласының өкілдері бар.

Қазақстанда мұндай іс-шараны өткізу Алматыны ТМД-дағы және Орталық Азиядағы исламдық қаржы хабы ретінде орнықтыруға ықпал ететін болады.

**Анықтама үшін:**

*The Islamic Financial Services Board (IFSB), Исламдық қаржылық қызметтер жөніндегі кеңес – банк және сақтандыру жүйесінен, сондай-ақ капитал нарығынан тұратын исламдық қаржылық қызметтер индустриясының тұрақтылығын қамтамасыз ететін ұйымдарды реттейтін және бақылайтын халықаралық орган. IFSB-ның 184 мүшесі бар, оның 59-ы реттеуші және қадағалаушы органдікі және 8 халықаралық үкіметаралық ұйымдар.*

*2011 жылы Қазақстан Республикасының Ұлттық Банкі Исламдық қаржылық қызметтер жөніндегі кеңесіне (IFSB) кірді.*

*2009 жылы Қазақстан Республикасында Исламдық қаржыландыру жөніндегі заң қабылданды, соған сәйкес ислам банктерінің, исламдық инвестициялық қорлардың*

*жұмыс істеуі, исламдық бағалы қағаздардың шығарылуы үшін жағдайлар жасалған. 2011 жылы мемлекеттік исламдық бағалы қағаздарды шығару мүмкіндігін көздейтін, сондай-ақ Қазақстан Республикасының резиденттері шығаратын исламдық бағалы қағаздардың оригинаторларының тізбесін кеңейтетін заң қабылданды.*

*Исламдық қаржыландыруды, сақтандыруды және лизингті дамыту үшін Қазақстан Республикасының Ұлттық Банкі «Қазақстан Республикасының кейбір заңнамалық актілеріне сақтандыру және исламдық қаржыландыру мәселелері бойынша өзгерістер мен толықтырулар енгізу туралы» заң жобасын әзірледі. Қазіргі уақытта көрсетілген заң жобасы Қазақстан Республикасы Парламентінің талқылауында жатыр.*

*Қазақстан Республикасының Үкіметі Исламдық қаржыландыруды дамытудың 2020 жылға дейінгі жол картасын бекітті, оны іске асыру исламдық қаржылық қызметтер индустриясын тұрақты дамыту үшін жағдайлар жасауға, эмитенттердің, инвесторлардың және нарыққа қатысушылардың шекті көлемін құруға ықпал ететін болады.*

**Толығырақ ақпаратты мына телефондар бойынша алуға болады: +7 (727) 2788 104 (ішкі 1252), +7 (727) 2 704 585, e-mail: [press@nationalbank.kz](mailto:press@nationalbank.kz), [www.nationalbank.kz](http://www.nationalbank.kz).**